

傳燈錄

卷十七之二十



萬僧問答景德傳燈全錄卷之十七

振

福州東禪慧空大師藏本

古汴景德道原大師纂集

古建香山圓智居士抄刊

袁州洞山良价禪師法嗣

洪州雲居道膺禪師

幽州玉田人也姓王氏童卯依師稟教二十

五受具於范陽延壽寺

本師令習聲聞篇聚乃歎曰大丈夫豈可枉

措於律儀邪乃去

諸翠微山問道經三載有僧自豫章來盛稱
洞山价禪師法席師遂造焉

○洞山問曰闍梨名什麼曰道膺洞山云向上
更道師云向上道即不名道膺洞山云與吾
在雲巖時祇對無異也

○後師問如何是祖師意洞山云闍梨他後有
一把茅蓋頭忽有人問闍梨如何祇對曰道
膺果過

○洞山有時謂師曰吾聞思大和尚生倭國作
王虛實曰若是思大佛亦不作况乎國王洞
山然之

○一日洞山問什麼處來師曰踰山洞山曰阿
那山堪住師曰阿那個不堪住洞山曰恁麼
即國內總被闍梨占却也曰不然洞山曰恁
麼即子得个入路師曰無路洞山曰若無路
爭得與老僧相見師曰若有路即與和尚隔
生去也洞山曰此子已後千人万人把不住
師隨洞山渡水洞山問水深淺曰不濕洞山
曰獲人師曰請師道洞山曰不乾

○洞山謂師曰昔南泉問講弥勒下生經僧曰
弥勒什麼時下生曰見在天堂當來下生南
泉曰天上無弥勒地下無弥勒師隨拳而問

曰只如天上無弥勒地下無弥勒未審誰為
安字洞山直得裨床震動乃曰雁背闍梨

○師合醬次洞山問作什麼師曰合醬洞山曰
用多少蓋曰旋入洞山曰作何滋味師曰得

○洞山問大闡提人殺父害母出佛身血破和
合僧如是種種孝養何在師曰始得孝養自

尔洞山許之為室中領袖

○初止三峯其化未廣後開雲居山四眾臻萃
一日因上堂因奉古人云地獄未是苦向此
袈裟下不明大事失却最苦乃謂眾曰汝等
既在這個行流十分去九不較多也更着些

力便是上座不屈平生行脚不辜負叢林古
人道欲得保任此事須向高山頂立深
水底行方有此子氣力汝若大事未辦且須
履踐玄途

○問如何是沙門所重師曰心識不到處

○問佛與祖有所階級師曰俱是階級

○問如何是西來意師曰古路不逢人

○可觀上座問的罷標指請師速接師曰即今
作麼生觀曰道即不無莫領話好師曰何必

闍梨

○問如何是口訣師曰近前來向汝道僧近前

曰請師道師曰也知也知

師却痒和問眾還會麼眾曰不會師曰赴雀
兒也不會

問如何得不惱乱和尚師曰與我喫麩德來
僧遂去喚來師曰與我閉却門

問馬祖出八十八人善知識未審和尚出多
少人師展手示之

問如何是向上人行履麩師曰天下太平
問遊子歸家時如何師曰且喜歸來曰將何

奉獻師曰朝打三千暮打八百
師謂眾曰如好獵狗只解尋得有蹤跡底忽

遇羚羊挂角莫道跡氣亦不識僧問羚羊挂

角時如何師曰六六三十六又曰會麼僧曰
不會師曰不見道無蹤跡有僧幸似趙州趙

州云雲居師兄猶在僧乃問羚羊挂角時如
何趙州云六六三十六

眾僧夜叅侍者持燈來見影在壁上有僧便

問两个相似時如何師曰一个是影

問李人擬欲歸鄉時如何師曰只這是新羅

僧問佛陀波利見文殊為什麼却回去師曰

只為不將來所以却回去師謂眾曰李佛法

底人如斬釘截鐵始得時一僧出曰便請和

尚釘鐵師曰口裏底是什麼

僧問承教有言是人先世罪業應墮惡道以

今世人輕賤此意如何師曰動即應墮惡道

靜即為人輕賤崇毒稠苔去心外有法應墮

惡道守住自己為人輕賤

○僧問香積之飯什麼人得喫師曰須知得喫

底人入口也須挑出

○有一僧在房內念經師隔窻問曰聞梨念者

是什麼經對曰維摩經師曰不問維摩經念

者是什麼經其僧泛此得入

○問孤迥且魏々時如何師曰孤迥且魏々僧

曰不會師曰面前按山子也不會

○新羅僧問是什麼得什麼難道師曰有什麼

難道曰便請和尚道師曰新羅新羅

○問明眼人為什麼黑如漆師曰何怪

○荆南節度使成汭遣大將入山送供問曰世

尊有密語迦葉不覆藏如何是世尊密語師

召曰尚書其人應諾師曰會麼曰不會師曰

汝若不會世尊有密語汝若會迦葉不覆藏

○僧問才生為什麼不知有師曰不同生曰未

生時如何師曰不曾滅曰未生時在什麼處

師曰有處不收曰什麼人受滅師曰是滅不

得者

師謂眾曰汝等師僧家發言吐氣須有來由
凡問事須識好惡尊卑良賤信口无益傍家
到處覓相似語所以尋常向兄弟道莫怪不
相似恐同李太多去第一莫將来不相似八
十老人出場屋不是小兒戲一言差千里
万里難為收攝直至敲骨打髓須有来由言
語如鉗夾鉤鎖相續不斷始得頭頭上具物
物上新可不是精得妙底事道汝知有底人
終不取次十度擬發言九度却休去為什麼
如此恐怕無利益體得底人心如臘月扇口
邊直得醜出不是汝強為任運如此欲得速
麼事須是恁麼人既是恁麼人何愁恁麼事
李佛邊事是錯用心假饒解千經万論講得
天花_落點頭亦不_下自己事况乎其_餘有何
用_要若將有限心識作無限中用如將方木
逗圓孔多少差訛設使攢花簇錦事事及得
及_盡一切事亦只喚作了事人无過人終不
喚作尊貴將知尊貴_以着得什麼物不見從
門入者非宝棒上不成龍知麼師如是三十
年開發玄捷徒眾常及千五百之數
唐天復元年秋示微疾十二月二十八日為

大眾開最後方便叙出世始卒之意眾皆嗟然越明年正月三日跏趺長往今本山影堂存焉勅謚弘亮大師塔曰圓寂

撫州曹山本寂禪師

泉州莆田人也姓黃氏少慕儒年十九出家入福州福唐縣靈石山二十五登戒

唐咸通初禪會興盛會洞山价禪師坐道場往來請益

洞山問闍梨名什麼對曰本寂曰向上更道師曰不道曰為什麼不道師曰不名本寂洞山深器之

師自此入室密印所解盤桓數載乃辭洞山洞山問什麼處去曰不變異處去洞山云不變異豈有去耶師曰去亦不變異遂辭去隨緣放曠

初受請止于曹山後居荷玉山二處法席者雲集

問不與方法為侶者是什麼人師曰汝道洪州裏許多人什麼處去也

問眉與目還相識也無師曰不相識曰為什麼不相識師曰為同一處曰恁麼即不分也師曰眉且不是目曰如何是目師曰端的

去曰如何是眉師曰曹山却疑曰和尚為什
麼却疑師曰若不疑即端的去也

○問於相何真師曰即相即真曰當何顯示師
提起托子

○問幻本何真師曰幻本元真法眼別去幻本
不真曰當幻何顯師曰即幻即顯法眼別云
幻即無當曰怎麼即始終不離於幻也師曰
否幻相不可得

○問如何是常在底人師曰恰遇曹山暫出曰
如何是常不在底人師曰難得

○僧清銳問△甲孤貧乞師拯濟師曰銳聞

近前來銳近前師曰泉州白家酒二豎猶道
未沾脣玄竟云什麼處是与他酒喫

○問擬豈不是類師曰直是不擬亦是類曰如
何是異師曰莫不識痛痒

○鏡清問清虛之理畢竟無身時如何師曰理
即如此事作麼生曰如理如事師曰謾曹山
一人即得急急諸聖眼何曰若無諸聖眼爭
鑿得个不怎麼師曰官不容針私通車馬

○雲門問不改易底人未師還接否師曰曹山
無怎麼閑功夫

○入問古人去人人盡有弟子在塵蒙還有也

無師曰過手來乃點指曰一二三四五足

○問曹祖面壁用表何事師以手掩耳

○問承古有言未有一人倒地不因地而起如何是倒師曰肯即是曰如何是起師曰起也

○問承教有言大海不宿死死如何是海師曰包含万有曰為什麼不宿死死師曰絕氣者不著曰既是包含万有為什麼絕氣不著師曰方有非其功絕氣有其德曰向上還有事也無師曰道有道無即得爭奈龍王按劍問

○問具何知解善能對眾問難師曰不呈句曰

問難个怎麼師曰刀斧斫不入曰能怎麼問

難還更有不肯者也無師曰有曰是什麼人

師曰曹山

○問無言如何顯師曰莫向這裏顯曰向什麼

處顯師曰昨夜三更床頭失却三文錢

○問日未出時如何師曰曹山也曾怎麼來曰日出後如何師曰猶較曹山半月糧

○師問僧作什麼曰掃地師曰佛前掃佛後掃

曰前後一時掃師曰與曹山過鞞鞋來

○師問彊德上空曰菩薩在定聞香象渡河出什麼經曰出涅槃經師曰定前聞定後聞曰和尚流也師曰道也太殺道始道得一半曰

和尚如何師曰難下接取

○問孝人十二時中如何保任師曰如經蠱毒之鄉水不得沾着一滴

○問如何是法自主師曰謂秦無人曰這个莫便是否師曰斬

○問親近什麼道伴即得常聞於未聞師曰同共一被蓋曰此猶是和尚得聞如何是常聞於未聞師曰不同於木石曰何者在先何者在後師曰不見道常聞於未聞

○問國內按劍者是誰師曰曹山法灯別云汝不是恁麼人曰擬殺何人師曰但有一切總

殺曰忽遇本生父母作麼生師曰揀什麼曰爭柰自己何師曰誰柰我何曰為什麼不殺師曰勿下手處

○問一牛飲水五馬不嘶時如何師曰曹山解忌口又別云曹山老漢

○問常在生死海中沉沒者是什麼人師曰弟二月曰還求出離也無師曰也求出離只是無路曰出離什麼人接得伊師曰擔鐵枷者○僧奉藥王問僧年多少僧曰七十二藥山曰是年七十二麼曰是藥山便打此意如何師曰前箭猶似可後箭射人深僧曰如何免得

捧師曰正勅既行諸侯避道東禪齊云曹山
是明葉山意自出手為復別有道理還斷得
麼且如這僧奉問曹山伊還有會處麼忽尔
問上座年多少別作麼生祇對

○問如何是佛法大意曰填溝塞壑

○問如何是師子師曰眾獸近不得曰如何是
師子兒師曰能吞父母曰既是眾獸近不得
為什麼被兒吞師曰子若哮吼祖父母俱盡
曰只如祖父母還盡也無師曰亦盡曰盡後
如何師曰全身歸父曰前來為什麼道祖父
亦盡師曰不見道王子能成一國事枯木上

更探些子華

○問總有是非紛然失心時如何師曰斬斬

○僧奉有人問香巖如何是道答曰枯木裏龍

吟云不會曰髑髏裏眼睛後問石霜如何是

枯木裏龍空石霜云猶帶喜在又問如何是

髑髏裏眼睛石霜云猶帶識在師因頌曰

枯木龍吟真見道髑髏無識眼初明喜識盡

時消不尽當人那辨濁中清

其僧又問師如何是枯木裏龍吟師曰血脉

不斷曰如何是髑髏裏眼睛師曰乾不盡曰

未審還有得聞者無師曰盡大地未有一箇

不聞曰未審龍吟是何章句師曰也不知是何章句聞者皆喪師如是啓發上機曾無軌轍可尋

及受洞山五位銓量特為叢林標準

○時洪州鍾氏屢請不起但寫大梅和尚山居頌一首答之

○天復辛酉季夏夜師問知事僧今是何日月對曰六月十五日師曰曹山一生行脚到處只管九十日為一夏至明日辰時告寂壽六十有二臘三十有七門人奉真骨樹塔勅謚元證大師塔曰福圓

洞山道全禪師 第二世住亦云中洞山

初問洞山价和尚如何是出離之要洞山曰關梨足下煙生師言下契悟更不他遊雲居膺進語云終不敢辜負和尚足下煙生洞山步步玄者即是功到

暨价和尚圓寂眾請接踵住持海眾悅服玄風不墜

○僧問併入王宮豈不是大聖再來師曰護明不下生僧曰既是大聖再來何更六年苦行師曰幻人呈幻事曰非幻者如何師曰王宮覓不得

○問清淨行者不入涅槃破戒比丘不入地獄如何師曰度盡無遺影還他越涅槃

○問極目千里是什麼風範師曰是闍梨風範曰未審和尚風範如何師曰不布婆婆婆眼

湖南龍牙山居道禪師

撫州南城人也姓郭氏年十四於吉州滿田寺出家後往嵩岳受戒乃杖錫遊諸禪會因參翠微和尚問曰孝人自到和尚法席一個餘月每日和尚上堂不蒙一法示誨意在於何翠微曰嫌什麼有僧奉前語問洞山洞山去闍梨爭怪得老僧法眼別云祖師來也東

禪齊云此三人尊宿語還有親疎也無若有

若無親疎眼在什麼處

○又謁德山問曰遠聞德山一句佛法及乎到來未曾見和尚說一句佛法德山曰嫌什麼師不肯乃造洞山如前問之洞山曰爭怪得老僧師復幸德山頭落語因自省過遂止于洞山隨眾參請

○一日問如何是祖師意洞山曰待洞水泝流

即向汝道師從此始悟歌旨復摠衣八稔

○受湖南馬氏請住龍牙山妙濟禪苑號證空大師有徒五百餘眾法無虛席

上堂示衆曰夫參孝人須透過祖佛始得
新豐和尚云祖教佛教似生怨家始有孝分
若透祖佛不得即被祖佛謾去

時有僧問祖佛還有謾人之心也無師曰沒
道江湖還有礙人之心也無又曰江湖雖無
礙人之心為時人過不得江湖成礙人去不
得道江湖不礙人祖佛雖無謾人之心為時
人透不得祖佛成謾人去不得道祖佛不謾
人若透得祖佛過此人過却祖佛也始是體
得祖佛意方與向上古人同如未透得但孝
佛孝祖則万劫無有得期

又問如何得不被祖佛謾去師曰須自悟去
○師在翠微時問如何是祖師意翠微曰與我
將禪板來師遂過禪板翠微接得便打師曰
打即任和尚打且無祖師意

○又問臨濟如何是祖師意濟曰與我將蒲團
來師乃過蒲團濟接得便打師即任和尚打
且無祖師意

○後有僧問和尚行脚時問二尊宿祖師意未
審二尊宿道眼明也未師曰明即明也要且
無祖師意東樵齋云衆中道佛法即有只是
無祖師意若惹麼會有何交涉別作麼生會

無祖師意底道理

○問如何是道師曰無異人心是又曰若人體
 得道無異人心始是道人若是言說則勿交
 涉道者汝知打底道人否十二時中除却着
 衣喫飯無絲髮異於人心無誑人心此个始
 是道人若道我得我會則勿交涉大不容易
 ○問如何是祖師西來意師曰待石烏龜解語
 即向汝道曰石烏龜語也師曰向汝道什麼
 ○問古人得个什麼便休去師曰如賊入空室
 ○問無邊身菩薩為什麼不見如來頂相師曰
 汝道如來還有頂相麼

○問大庾嶺頭提不起時如何師曰六祖為什
 麼將得去

○問二鼠侵藤時如何師曰須有隱身處始得
 曰如何是隱身處師曰還見儂家麼

○問維摩掌擎世界未審維摩向什麼處立師
 曰道者汝道維摩掌擎世界

○問有底人還有生死也無師曰恰似道者未
 悟時

○問如何是西來意師曰此一問最苦報慈云
 此一問最好

○問祖意與教意同別師曰祖師在後來

○問祖師是無事沙門師曰若是沙門不得無事曰為什麼不得無事師曰覓一個難得

○問蟾蜍無返照之光王兔無伴月之意時如何師曰弄舜之君猶有化在東禪齊云是什麼是問訊与上座十二時中是什麼時節

○問如何得此自安去師曰不被別身謾始得法眼別云誰亂汝

○唐龍德三年癸未八月示有微疾九月十三日夜半大星墮于方丈前詰旦端坐而逝壽八十有九

京兆華嚴寺休靜禪師

師曾在樂普作維那白槌普請曰上間般柴下間鋤地

○時第一空問聖僧作麼生師曰當堂不正坐不赴兩頭機

○師在洞山時問曰孝人未見理路未免情識洞山曰汝還見理路也無曰見無理路洞山曰什麼處得情識來曰孝人實問洞山曰恁麼湏向万里無寸草處立曰無寸草處還許立也無洞山曰直湏恁麼去

○般柴次洞山把住柴問狹路相逢時作麼生曰反反何幸洞山曰汝記吾言汝向南住有

一千人若向北住即三二百而已

○師初住福州東山之華嚴未幾屬後唐莊宗徵入輦下大闡玄風其徒果三百矣

○問祖意與教意同別師曰探盡龍宮藏衆義不能詮

○問大悟底人為什麼却迷師曰破鏡不重照落花難上枝

○問大軍設天王齋求勝賊軍亦設天王齋求勝未審天王赴阿誰願師曰天垂雨露不揀榮枯

○一日車駕入寺燒香帝問曰這個是什麼神

師對曰護法善神帝曰沙汰時什麼處去來師曰天垂雨露不為榮枯

○師後遊河朔於平陽示滅茶毗獲舍利建四浮屠一晉州二房州三慈南山逍遙園四終南山華嚴寺勅謚宝智大師無為之塔

京兆蜺子和尚

不知何許人也事迹頗異居無定所自印心於洞山混俗於閩川不畜道具不循律儀常日沿江岸採掇蝦蜺以充腹暮即臥東山白馬廟紙錢中居民目為蜺子和尚華嚴靜師闡之欲決真復先潛入紙錢中深夜師歸靜

把住問曰如何是祖師西来意師遽答曰神前酒臺盤靜哥之懺謝而退

○後靜行化京都師亦至焉竟不聚徒演法惟佯狂而已

筠州九峯普滿大師

問僧離什麼處曰闍中師曰遠涉不易曰不難動步便到師曰有不動步者麼僧曰有師曰爭得到此問僧無對師曰賺殺人

○問如何是和尚家風師曰即今是什麼曰孝人不會師曰十字路上馬蘭花

台州幽棲道幽禪師

鏡清問如何是少父師曰无標的曰无標的以爲少父耶師曰有什麼過曰只如少父作麼生師曰道者是什麼心行

○問如何是佛師曰汝不信是衆生曰孝人大信師曰若作勝解即受群邪

○師將示滅有僧問曰和尚百年後向什麼處去師曰調然調然言訖坐亡

後洞山師虔禪師

第三世住也亦号青林和尚

初自英山来叅先洞山价和尚問曰近離什麼處師曰武陵曰武陵法道何似此問師曰胡地冬袖笋价曰別甌炊香飯供養於此人

師乃出去洞山曰此子向後走殺天下人在
○師在洞山栽松有刘翁者從師求傷師傷曰
長長三尺餘鬱鬱覆荒草不知何代人得見
此松老 刘翁得傷呈于洞山洞山曰賀翁
翁喜只此人是第三世也

師光住道州土門小青林蘭若後果迴洞山
接踵

○凡有新到僧先令般柴三轉然後參堂有一
僧不肯回曰三轉內即不問三轉外如何師
曰鐵輪天子裏中旨僧无對師便打令去
○僧問昔年疾苦又中毒請師醫師曰入藥撥

破腦頂上薩醍醐曰恁麼即謝師醫師便打

○問父負不逢時如何師曰古皇尺一寸

○問請師查話師曰修羅掌於日月

○師上堂謂眾曰祖師宗旨今日施行法今已
彰復有何事

○時有僧問正法眼藏祖祖同印未審和尚傳
付何人師曰靈苗生有地大悟不存師

○問如何是道師曰迴生尋遠濶曰如何是道
中人師曰擁雪首揚眉

○問千差路別如何頓曉師曰
足下背驪珠空懸長天月

洛京白馬道儒禪師

問如何是衲僧本分事師曰十道不通風啞子傳遠信曰傳什麼信師乃合掌頂戴

○問如何是密室中人師曰繞生不可得不貴未生時曰是個什麼不貴未生時師曰是汝

阿爺

○問三千里外嚮白馬及乎到來為什麼不見師曰是汝不見干老僧什麼事曰請和尚指示師曰指即切交涉

○問如何是衲人本分事師曰昨夜三更日正午

○問如何是法身向上事師曰

井裏蝦蟇吞却月僧問黃龍如何是井底蝦蟇吞却月黃龍云不柰何僧云恁麼即吞却去也黃龍云一任吞僧云吞後如何黃龍云好蝦蟇

○問如何是衲人急切處師曰

俊鳥猶嫌鈍鷲然早已遲

○問如何是西来意師曰點額胡孫探月使

越州乾峯和尚 或云瑞峯

問僧什麼處來曰天台師曰見說石橋作兩段是否曰和尚什麼處得這消息來師曰

將謂華頂峯前客却是平田莊裏人

○問如何出得三界師曰

喚院主未赴出這僧着

○師問衆僧輪迴六趣具什麼眼衆無對

○問如何是超佛越祖之談師曰老僧問汝曰

和尚且置師曰老僧一問尚且不會問什麼

超佛越祖之談

吉州禾山和尚

僧問孝人欲申一問師還答否師曰禾山答

汝了也

○問如何是西來意師曰禾山大頂

○問如何是和尚家風師曰滿目青山起白雲

明州天童山咸啓禪師 先住蘇州宝華山

僧問如何是本無物師曰

石潤無含玉鏡異自生金

○伏龍和尚來師問什麼處來曰伏龍來師曰

還伏得龍麼曰不曾伏這畜生師曰喫茶去

○簡大德問孝人卓上來請師的師曰我

這裏一肩便了有什麼卓卓的的曰和尚恁

麼對話更買草鞋行脚好師曰近前來簡近

前師曰只如老僧恁麼對過在什麼處簡无

對師便打

潭州宝盖山和尚

僧問一間無漏舍合是何人居師曰

無名不挂体曰還有位也無師曰不処

。問如何是宝盖師曰不從人天得曰如何是

宝盖中人師曰不与時人知僧曰佛來時如

何師曰覓他路不得

。問切切時為什麼不立人師曰歸亦踏不着

曰恁麼時如何成立師曰不与時人知

。問世界壞時此个何処去師曰千聖尋不得

曰時人如何歸向師曰直湏似去曰還有的

也無師曰不立標則

益州北院通禪師

在夾山時一日夾山上堂曰坐斷主人公不

着第二見師出曰湏知有一人不合伴夾山

曰猶是第二見師乃掀倒禪床曰夾山老兄

作麼生師曰待么田舌頭爛即向和尚道

。異日師又問夾山曰目前无法意在目前不

是目前法非耳目之所到豈不是和尚語夾

山曰是師乃掀倒禪床叉手立地夾山起來

打一拄杖師便下去法眼云是它掀倒禪床

何不便去湏待夾山打一棒了去是什麼意

。師在洞山隨眾參請未契日乃辭洞山直入

嶺去洞山曰善為飛猿嶺峻好看師沈吟良久洞山曰通闢梨師應諾洞山曰何不入嶺去師因此省悟更不入嶺師事於洞山時号
雙頭通

○住後上堂示衆曰諸上座有什麼事出來論量取若是上上根機不假如斯若是中下之流直湏團團閉戶索地莫教入泥水第一速疾省事應湏无心若不无心幸得千般万般只成知解与衲僧門下有什麼交涉僧問如何是无心師曰不管繫

○問二龍爭珠誰是得者師曰得即失曰不失

如何師曰還我珠來

○問如何是清淨法身師曰无點汚

○問轉不得時如何師曰功不到

○問如何是大富貴底人師曰如輪王宝藏曰如何是赤窮底人師曰如酒店腰帶

○問水洒不着時如何師曰乾剝地

○問一槌便成時如何師曰不是偶然

○示滅後勅證真大師

高安白水本仁禪師

自洞山受記唐天復中迁止洪井高安白水院衆盈三百名言流播

因設洞山忌齋有僧問供養先師先師還來也无師曰更下一分供養著

○洪州西山衆行者來禮拜問曰今日不為別事乞師指示師曰汝諸人求指示耶對曰是師曰教我委付河誰

○鏡清行脚到師謂之曰時寒道者清曰不敢師曰還有卧單得盖否曰設有亦无展底功夫師曰直饒道者滴水滴凍亦不干它事曰滴水生冰事不相涉師曰是曰此人意作麼生師曰此人不落意曰不落意此人那師曰高山頂上无可与道者啗啄

○問如何是山來意師曰還見庭前松樹否曰恁麼即和尚今日因李人致得是非師曰多口

○座主皎然去後師知是雪峯禪客乃曰盜法之人終不成器皎然後住長生山有僧問從上宗乘如何率唱然曰不可為閻梨荒却長生山也玄沙聞之曰然師兄佛法即大行受記之緣亦就矣厥後衆緣不借果如仁和尚所記

○僧問如何是不迂義師曰落花隨流水明月上孤岑

○師將順世四眾俱集。營為齋鐘焚香。白眾曰：香煙絕處，是吾涅槃時也。言訖，跏趺而坐。息隨煙滅。

抚州疏山光仁禪師

身相短陋，精辯冠眾。洞山門下時有齧鐵之機，激揚玄奧，咸以仁為能詮量者。諸方三昧，可以詢乎。姓師叔。

○僧問：如何是諸佛師？師曰：何不問疏山老漢僧？无對。

○師手握木蛇，有僧問：手中是什麼？師提起曰：曹家女。

○問：如何是和尚家風？師曰：尺五頭巾。曰：如何是尺五頭巾？師曰：圓中取不得。

○師奉香嚴語問鏡清：肯重不得，全恁道者作麼？生會恁曰：全滯肯重。師曰：不得全肯者作麼？生恁曰：个中无肯路。師曰：始慙病僧意。

○因鼓山奉威音王佛師，師乃問：作麼？生是威音王佛師？鼓山曰：莫无慙愧好師。曰：闍梨恁麼道，即得若約病僧，即不然。曰：作麼？生是威音王佛師？師曰：不坐无貴位。

○洞山第四世問：如何是一句師？曰：不道。曰：為什麼？不道。師曰：少時輩。

○問恁麼時如何師曰

將軍不上便橋金牙徒勞拈著

○問如何是直指師曰

珠中有水君不信擬向天邊問太陽

○冬至夜有僧上堂問如何是冬來意師曰

京中出大黃

○問和尚百年後向什麼處去師曰

背底芒叢四脚指天

○師迂化時有偈曰 我路碧空外白雲無處

閑世有無根樹黃葉風送還 偈終而逝

又著四大等頌略華嚴長者論流傳于世

澧州欽山文邃禪師

福州人也少依杭州大慈山寰中禪師受業

時岩頭雲峯在眾覩師吐論知是法器相率

游方二士緣契德山各承印記師垂屢激揚

而終然凝滯

○一日問德山曰天皇也恁麼道龍潭也恁麼

道未審德山作麼生道德山曰汝試奉天皇

龍潭道底來師方欲進語德山以拄杖打昇

入涅槃堂師曰是即是打我太殺法眼別云

是即是錯打我更有語句德山岩頭章出焉

○師後於洞山言下發解乃為洞山之嗣

○年二十七止于欽山對大眾前自省過幸初
叅洞山時洞山問什麼處來師曰大慈來曰
還見大慈麼師曰見曰色前見色後見師曰
非前後見洞山默置師乃曰離師太早不
師意

○問如何是祖師西來意師曰

梁公曲尺誌公剪刀

○問一切諸佛法皆從此經出如何是此經師
曰常轉曰未審經中說什麼師曰有疑請問

○問如何是和尚家風師曰
錦帳銀香囊風吹蒲路香

○有僧寫師真呈師問曰還似我也无僧无對
師自代曰衆僧看取

○一日僧入浴院見僧踏水輪僧見師乃下不
審師曰幸自碌々地轉何須却恁麼僧曰不
恁麼又爭得師曰若恁麼欽山眼堪作什麼
也僧去作麼生是師眼師乃以手作撥眉勢
僧曰和尚又得恁麼師曰是々為我恁麼便
不得恁麼僧無對師曰索戰无功一場氣悶
良久乃問僧云會麼僧去不會師曰欽山為
汝搭一半

○師與雪峯岩頭因過江西到一茶店內喫茶

次師曰不會轉身通氣者今日不得茶喫岩頭云若恁麼我定不得茶喫也雪峯云公甲亦然師曰兩個老漢俱不識語在若頭去什麼處去也師曰布袋裏老鷄虽活如死若頭去退後着退後着師曰豁兄且置存公作麼生雪峯以手盃個圓相師曰不得不問若頭呵呵去太遠生師曰有口不得喫茶人多若頭雪峯俱無語

○有良禪客叅次總禮拜後便問云一箭射三關時如何師曰放出關中主看良曰恁麼即知過必改去也師云更待何時良去好雙箭

放不着所在便出去師曰擬射三關且從誠為欽山發箭良近前良久而退師乃打良七拄杖良乃出去師曰且聽个乱統漢心內疑三十年有人幸似同安和尚安云良公雖發箭要且未中的其僧便問同安云未審如何得中的去安云關中主是什麼人其僧却回幸向師師曰良公苦辭恁麼也免得欽山口也然雖如此同安不是好心亦須看始得

○僧叅師豎起拳頭去若開成掌即五指參差如今為拳必无高下汝道欽山通商量不通商量其僧近前却豎拳而已師曰便恁麼只

是个无開台漢僧玄未審和尚如何接人師
曰我若接人共汝一般去也僧云特參於師
也須吐露宗風師曰汝若特來我須吐露僧
云便請師乃打之其僧无語師曰守株待兔
枉用心神

前石頭全谿禪師法嗣

行思禪師第六世

台州瑞岩師彥禪師

閩越人也姓許氏自幼披緇秉戒无缺初礼
岩頭致問曰如何是本常理岩曰動也曰動
時如何岩曰不是本常理師沈思良久岩曰
肯即未脫根塵不肯即未沈生死師遂續悟

身心皎如岩頻召与語微醉无志

○復謁夾山會和尚會問什麼处來曰卧龍來
會曰未時龍還起未師乃顧視之會曰炎瘡
上更着艾焦曰和尚又苦如此作什麼會休
○尋抵丹丘終日如愚四衆欽慕請住瑞岩統
衆嚴整江表稱之

○僧問頭上雲蓋現足下雲生時如何師曰披
枷帶鎖漢曰頭上無宝蓋足下无雲生時如
何師曰猶有扭在曰畢竟如何師曰齋後困
○鏡清問天不能覆地不能載豈不是師曰若
是即被覆載清曰若不是瑞岩幾遭也師自

稱曰師彥

○問如何是佛師曰石牛曰如何是法師曰石牛兒曰恁麼即不同也師曰合不得曰為什麼合不得師曰无同可同合什麼

○問作麼生商量即得不落階級師曰排不出曰為什麼排不出師曰他從前无階級曰未審居何位次師曰不坐普光殿曰還理化也無師曰名聞三界重何処不歸朝

○一日有村媪來作禮師曰汝疾婦去救取數千物命媪念忙至舍乃見兒婦持竹器拾田螺婦媪接取放諸水濱師之異迹頗多

懷州玄泉彥禪師

僧問如何是道中人師曰且落投孤店

○問如何是佛師曰張家三个兒曰李人不會師曰孟仲季便不會

○問如何是善前一句師曰叫曰轉後如何師曰是什麼

吉州靈岩惠宗禪師

福州長溪人也姓陳氏受業於龜山

○僧問如何是靈岩境師曰松檜森密遮
曰如何是境中人師曰夜有猿啼

○問如何是孝人自己本分事師曰

拋却真金作瓦礫作麼師後住禾山而終
福州羅山道閑禪師

郡之長溪人也姓陳氏出家於龜山年滿受
具遍歷諸方

嘗謂石霜問去住不寧時如何霜曰直須死
却師不愜意

乃叅岩頭問同前語岩曰從他去住管他作
麼師於是服膺

尋遊清涼山闍師飲其法味請居羅山號法
宝大師

初上堂日方升坐敷衣乃曰珍重少頃又曰

未識底近前來時有僧出禮拜師抗聲曰也
大苦僧起擬伸問師乃喝出

問如何是奇特一句師曰道什麼

問佛放眉間白毫光照万八千世界如何是
光師曰高声道僧曰照何世界師乃喝出

問急急相投請師一接師曰會麼曰不會師
曰箭過也

問九女不携誰是哀提者師曰高聲問僧擬
再問師曰什麼處去也

問如何是宗門流布師展足示之

問當鋒事如何辨明師拈如意僧曰乞和尚

垂慈師曰大遠也

○問如何是最妙一句師曰披露識麼僧擬進語師曰話墮也

○定慧上坐叅師問什麼處來曰遠離西蜀近發開元又進前問即今你麼生師曰喫茶去慧猶未退師曰秋霜稍暖去慧出法堂外歎曰今日擬打羅山寨弓折箭尽也休休乃下叅衆

○明日師上堂慧出問豁開戶牖當軒者誰師乃喝慧無語師曰毛羽未備且去

○僧峯寒山詩問師曰百鳥銜苦華時如何師曰貞女室中吟曰千里你一息時如何師曰送客遊庭外曰欲往蓬萊山時如何師曰歌枕觀絃猴曰將此充糧食時如何師曰古劍髓髓前

○問如何是百草頭上盡是祖師意師曰刺破汝眼

○問声前古堯爛意作麼生師曰倚著壁

○問前是万丈洪崖後是虎狼師子正當恁麼時如何師曰自在

○問三界誰為主師曰還解喫飯麼

○師臨遷化上堂集衆良久展左手主事罔測

乃令東邊師僧退後又展右手又令西邊師
僧退後師謂眾曰欲報佛恩無過流通大教
歸去也歸去也珍重言訖莞尔而寂

福州香豁從範禪師

僧到叅師曰汝豈不是鼓山僧對曰是師曰
額上珠為何不見無對僧辭師門送召曰上
座僧回首師曰滿肚是禪曰和尚是什麼心
行師大笑而已

師因僧披衲衣示偈曰

迦葉上名衣披來湏捷披終分招的箭前密露
不藏龜

福州羅源聖壽院和尚

有僧自泉州迥來叅師補衲次曉起示之曰
山僧一衲衣展似眾人見雲水請兩條莫教
露針線道僧無對師曰如許多時在彼作
什麼

前洪州感澤菴國和尚法嗣

安州白兆山竺乾院志圓号顯教大師

僧問諸佛心印什麼人傳得師曰達磨大師
曰達磨爭能傳得師曰汝道什麼人傳得

問如何是直截一豎師曰截

問如何是佛法大意師曰苦

○問如何是道師曰普

○問如何是孝人自己師曰失

○問如何是無山河大地去師曰不起見

○問如何是佛師曰丙丁童子來求火此一白
是僧玄則尚玄則後亦法眼方明教百住金

陵報恩院

○問如何是畢鉢羅蜜迦葉道場中人師曰釋
迦牟尼佛

○問如何是朱頂王菩薩師曰

問那个赤頭漢作麼

前濠州思明和尚法嗣

襄州鸞嶺善本禪師

因入浴室有僧問和尚是離垢底人為什麼
却浴師曰定水湛然滿浴此無垢人

○問祖意教意是同是別師曰

鸞嶺峯上青草森天鹿野苑中孤兔交橫

前潭州大光山居誨禪師法嗣

潭州谷山有緣禪師

僧問於佛之子如何歸向師曰曾入路不通

曰恁麼即死奉重也師曰我道你鉢盂落
地拈不起

○問一撥便轉時如何師曰

對馬走時鞋善斷石人撫掌笑呵呵

潭州龍具和尚

僧問一撥便轉時如何師曰根不利

○問得坐披衣時如何師曰不端嚴曰為什麼
不端嚴師曰不從証得

○問如何是道中人師曰終日寂澹看

潭州伏龍山和尚 弟一世住

僧問撓長河為酥酪變大地為黃金時如何
師曰臂長衫袖短

○問隨緣認果如何是果師曰雪內牡丹花

○問如何是祖師西來意師曰

你得佳麼不識痛痒

京兆白雲善藏禪師

僧問如何深深處師曰矮子渡深谿

○問赤脚時如何師曰何不脫却

○問如何是法不生師曰万水千山

潭州伏龍山和尚 弟二世住

僧問隨緣認得時如何師曰

汝道與國門樓高多少

問子不談父時如何師曰低聲低聲

陝府龍峻山和尚

僧問如何是龍峻山師曰佛眼看不見曰如

何是山中人師曰作麼

○問如何是不知善惡底人師曰千聖近不得
曰此人還知有向上事也無師曰不知曰為
什麼不知師曰不識善惡說什麼向上事曰
如何師曰不見道行裕上干下欲

○問如何是佛向上人師曰不戴容

○問九有展拓及落今時不展拓時如何師曰
不展不展曰畢竟如何師曰不拓不拓

潭州伏龍山和尚 第三世化

問行盡千山路玄機事若何師曰
鳥道不曾接

前筠州九峯道慶禪師法嗣

新羅清院和尚

問奔馬爭毬誰是得者師曰誰是不得者曰
恁麼即不爭是也師曰直得不爭亦有過在
曰如何免得此過師曰要且不曾失曰不失
處如何鍛鍊師曰兩手捧不起

洪州泐潭寶峯神黨禪師

僧問四威儀中如何辨主師曰

正遇宝峯不脫鞋

○問如何是佛法大意師曰
虛空駕鐵船岳頂浪滔天

吉州南源山行修馬慧觀禪師亦云光睦和尚

僧問如何是南源境致師曰

幾處峯峦猿鳥噪一帶平川遊子迷

○問如何是南源深處師曰眾人皆見曰恁

麼即淺去也師曰也是兩頭遙

洪州泐潭明禪師

一口下到客位眾請師歸方丈師曰道得即

去時牟和尚對曰大眾請師乃上法堂

問非思量處識情難測時如何師曰我不欲

違古人曰不違古人意作麼生師曰也合消

得礼三拜

○僧問確搗磨之不得忘却此意如何師曰

虎口裏活雀兒

○問如何是道者師曰毛毯之曰如何是道者

家風師曰佛殺前途尊者

○問如何是和尚終日事師曰鉢盂裏無折筋

曰如何是沙門終日事師曰轟之不惜万人

吉州秋山和尚

僧問如何是祖師西來意師曰杉樹子

洪州泐潭延茂禪師

僧問如何是古佛心師曰

終不道土木瓦礫是

○問曰空函山去林中事若何師曰
庭前紅葉秀室內不知春

洪州鳳棲山同安院常察禪師

僧問如何是鳳棲家風師曰鳳棲无家風曰
既是鳳棲為什麻無家風師曰不迎賓不待
客曰作麼即四海參尋當為何事師曰盤釘
自有旁水施

○問如何是鳳棲境界師曰
千峯連岳秀万壑木知春
曰如何是境中人師曰
孤巖倚石坐不下白雲心

洪州泐潭庄悟禪師

第四世住

僧問如何是直截一路師曰恰好消息曰還
通向上事也無師曰魚從下過

○問如何是閉門造車師曰活計一物無曰如
何是出門合轍師曰坐地進長安

○問香煙馥郁大張法筵後上宗乘如何奉唱
師曰莫錯舉似人曰恁麼即約應如是師曰
還是沒交涉

○問六葉芬芳師傳何葉師曰

六葉不相續花開果不成曰豈無今日事師
曰若是今日即有曰今日事如何師曰

葉連枝秀華開沁公步

吉州禾山無殷禪師

福州人也姓吳氏七歲依雪峯真菴大師出家年滿受戒遊方抵筠陽謁九峯

峯許入室一日謂之曰汝遠之而來暉之來

隨眾見何境界而可修行由何徑路而能出

離師對曰重昏蒙闇盲者自盲峯初未許師

於是發明厥旨頓忘知

先受請上吉州禾山大智院奉徒濟之

嘗述垂誡十篇諸方欵伏咸謂禾山可以為

叢林表則

時江南李氏召而問曰和尚何處來師曰禾

山來曰山在什麼處師曰人來朝鳳闕山岳

不曾移國主重之命居揚州祥光院復乞入

山以翠岩院乃江西之勝槩遂棲心焉

時上藍院復虛其室命師來住闡化號澄源

禪師

○僧問李人乍入叢林乞師指示師曰

於汝不惜

○問仰山插鉢意作麼生師曰汝問我曰玄沙

踏倒鉢意作麼生師曰我問汝

○問未辨真宗如何體悉師曰頭大星尖

○問咫尺之間為什麼不覩師顏師曰且去闍梨道一半曰為什麼不全道師曰盡法無民曰不怕無民請師盡法師曰為知己喪身曰為什麼却喪身師曰好心無好報

○問尊者撥看擊首視育王時如何師曰即今也恁麼曰孝人如何領會師曰摩利支山

○問摩危宝殿有四角一角常露如何是露底角師牽手曰汝打我却問汝還會麼曰不會師曰汝爭鮮打得我

○問如何是西來意師曰撲破著

○問已在紅船請師寫鍊師曰槌下成器曰恁

麼即寫鍊去也師曰池州和尚

○問四壁打禾中行刻草和尚赴阿那頭師曰什麼處不赴曰恁麼即同於衆去也師曰小師弟子

○師建隆元年庚申歲二月示有微疾三月二日令侍者啟芳文集大衆告辭曰後來孝者未識禾山即今識取珍重先是大衆為立生藏本國謚法性禪師塔曰妙相

洪州泐潭牟和尚

○問如何是孝人著力處師曰正是著力○問古人卷席意如何師曰珍重便下堂

前台州涌泉景欣禪師法嗣

台州六通院紹禪師

初叅涌泉和尚入室領旨

○一日燒畚歸院泉問去甚處來師曰燒畚來泉曰火後事作麼生紹曰鐵蛇鑽不入泉許之後居六通院玄侶依附

○僧問不出咽喉唇吻事如何師曰待汝一鑿斷斷巾子山我亦不向汝道

○問南山有一毒龍如何近得師曰非但闍梨千聖亦近不得

○人問承聞南方有一劍話如何是一劍師曰

不當鋒曰頭落又作麼生師曰我道不當鋒有什麼頭其人禮謝而去

○師休夏入天台山華頂峯晦迹莫知所終

前潭州雲蓋山志元禪師法嗣

潭州雲蓋山志罕禪師

僧問如何是岳頂浪滔天師曰文殊正作鬧曰正作鬧時如何師曰不向機前展大悲

新羅卧龍和尚

問如何是大人相師曰紫羅帳裏不垂手曰為什麼不垂手師曰不尊貴

○問十二時中如何用心師曰胡孫喫毛虫

彭州天台和尚 先住天台

問古佛向什麼處去師曰

中央甲第高歲歲出靈苗

○問古鏡未磨時如何師曰不施功曰磨後如

何師曰不照燭

前潭州谷山藏禪師法嗣

新羅瑞巖和尚

問黑白兩亡開佛眼時如何師曰恐你守內

○問如何是誕生王子師曰深宮引不出

新羅泊巖和尚

問如何是禪師曰古塚不為家

○問如何是道師曰徒勞車馬跡

○問如何是教師曰貝葉收不盡

新羅大嶺和尚

僧問只到潼關便却休時如何師曰只是途

中活計曰其中活計如何師曰體即得當即

不得曰體得為什麼當不得師曰體是什麼

人分上事曰其中事如何師曰不作尊貴

前潭州中雲蓋和尚法嗣

潭州雲蓋山景和尚號證覓禪師

僧問國土晏清功歸何處師曰銀臺門下不

賀曰轉為無功時如何師曰王家事可然

萬僧問答景德傳燈全錄卷之十七



萬僧問答景德傳燈全錄卷之十八



福州東禪慧空大師藏本

古汴景德道原大師纂集

古建香山圓智居士抄刊

前福州雪峯義存禪師法嗣

福州玄沙宗一大師

法名師備福州閩縣人也姓謝氏幼好垂釣

泛小艇於南臺江狎諸漁者

唐咸通初年甫三十一忽慕出塵乃棄釣舟投

芙蓉山雲訓禪師浴髮往豫章開元寺道玄

律師受具布納芒。獲食才接氣常終日宴坐
衆皆異之與

雪峯義存本法門。比仲而親近。若師資雪峯
以其苦行呼為頭陀

○一日雪峯問曰。阿那个是備頭陀。對曰。終不
敢誑於人

○異日雪峯召曰。備頭陀。何不徧參去。師曰。達
磨不來東土。二祖不往西天。雪峯然之

○暨登象骨山。乃與師同力締構。玄徒臻萃。師
入室。咨決罔替晨昏。又閱楞嚴經。發明心地。
由是應機敏捷。與修多羅冥契。諸方玄季有

所未決。必從之。請益至。若與雪峯和尚徵詰
亦當仁不讓。雪峯曰。備頭陀。其再來人也

○一日雪峯上堂曰。要會此事。猶如古鏡當臺。
胡來胡現。漢來漢現。師曰。忽遇明鏡來時。如
何峯曰。胡漢俱隱。師曰。老和尚脚根猶未點
地在

○師上堂時。久大衆盡謂不說法。一時各歸師。
乃呵云。看揔是一猴底。無一个有智慧。但見
我開這兩邊皮盡。未簇着。真言語。意度是我
真實。為他却揔不知。看恁麼大難大難

○師有時云。諸神德。汝諸人盡巡方行脚來。称

我叅禪孝道為有可特去處為當只恁麼東
問西問若有試通不我為汝證明是非我盡
識得還有麼若無當知只是趣讀古因切是
汝既到這裏來我今問汝汝諸人還有眼麼
若有即今便合識得還識得麼若不識便被
我喚作生盲生聾底人還是麼肯恁麼道麼
禪德亦莫自屈是恁麼真實何曾是恁麼人十
方諸佛把汝向頂上着不敢錯誤著一分子
只道此事唯我能知會麼如今相紹盡道承
他釋迦我道釋迦我同叅汝道叅阿誰會
麼大不容易知莫非大悟始解得知若是限

劑所悟亦莫能觀汝還識大悟麼不可是汝
向髑髏前認他監照不可是汝說空說無說
這邊那邊有世間法有一个不是世間法和
尚子虛空猶從迷妄幻生如今若是大肯去
何處有這個稱說尚無虛空消息何處有三
界業次父母緣生与汝拈立前後如今道無
尚是誑語况是有知麼是汝多時行脚和尚
子稱道有竟悟底事我今問汝只如巖山岩
崖迥絕人處還有佛法麼還裁辯得麼若辨
不得卒未在我尋常道亡僧面前正是觸目
菩提万里神光頂後相若人觀得不妨出得

陰界脫汝鬪鬪前意想都來只是汝真實人
體何處更別有一法解蓋覆汝知麼還信得
麼解承當得麼大須努力

。師又云我今問汝諸人且承當得个什麼事
在何世界安身立命還辯得麼若辯不得拾
似捏目生花見事便差知麼如今現前見有
山河大地色空明暗種種諸物皆是狂勞花
相喚作顛倒知見夫出家人識心達本故號
沙門汝今既已剃髮披衣為沙門相即合有
自利利他分如今看著盡黑漫漫地如黑汁
相似自救尚不得爭解為得他人仁者佛法

因緣事大莫作等閑相聚頭亂說雜話越讚
過時光陰難得可惜許大丈夫兒何不自省
察看是什麼事只如從上宗風是諸佛頂族
汝既承當不得所以我方便勸汝但從迦葉
門接續頓超去此一門超汝九聖因果超他
毘盧妙莊嚴世界他釋迦方便門直下永劫
不教有一物與汝作眼見何不急急究取本
必道我且待三生兩生久積淨業仁者汝宗
乘是什麼事不可由汝身心用工莊嚴便得
去不可他心宿命使得去會麼只如釋迦出
頭來作許多變弄說十二分教如瓶灌水大

作一場佛事向汝此門中用一點不得用一
毛頭伎倆不得知麼如同夢事亦如寐語沙
門不應得出頭來蓋為識得知麼識得即是
大出脫大出頭所以道超凡越聖出生離死
離因離果超毘盧越釋迦不被九聖因果所
謾一切處無人識得汝知麼莫只長恋生死
交網被善惡拘將去無自由分饒汝鍊得身
心同空去饒汝得到精明湛不搖動不出他
識陰古人喚作如急流水流急不竟妄為滯
淨恁麼修行盡不出他輪迴際依前被輪轉
去所以道諸行無常直是三乘功果如是可

畏若無道眼亦不為究竟何如從今日薄地
凡夫不用一毫功夫便頓超去解省心力麼
還願來麼勸汝我如今立地待汝觀去不用
汝加功練行如今不恁麼更待何時還肯麼
還肯麼

○師有時上堂謂眾曰是汝真實如是

○又有時云達磨如今現在汝諸人還見麼

○師又云是諸人見有險惡見有大蟲刀劍諸
事逼汝身命便生无限怕怖如似什麼恰似
世間畫師一般自畫作地獄变相作大蟲刀
劍了好好地看了却自生怕怖汝今諸人亦

復如是百般見有是汝自幻出自生怕怖亦
不是別人与汝為過汝今欲覺此幻惑麼但
識取汝金剛眼睛若識得不曾教汝有纖塵
可得露現何處更有虎狼刀劍解憎嚇得汝
直至釋迦如是伎倆亦覓出頭處不得所以
我向汝道沙門眼把定世界函蓋乾坤不漏
絲髮何處更有一物為汝知見知麼如是出
脫如是奇特何不究此

○師云汝諸人如在大海裏坐沒頭水浸却了
更展手問人乞水喫還會麼

○夫孝般若菩薩是大根器者有大智慧始得持

有智慧即今便得出脫若是根機遲鈍直須
勤苦志耐日夜忘疲失食如喪考妣相似待
急切及一生去更得人荷揆剋骨究實不妨
亦得觀去且况如今誰是堪任受孝底人仁
者莫只是記言記語恰似念陀羅尼相似踏
赤向前來口裏哆哆和啞地被他把住詰問
著沒去處便噴道和尚不為多答話恁麼孝
事大苦知麼

○有一般坐繩床和尚稱為善知識問著便動
身動手點眼吐舌瞪視

○更有一般便說昭昭靈靈靈臺靈智性能見能

聞向五蘊身田裏作主宰恁麼為善知識大
賺人知麼我今問汝汝若昭昭靈靈是汝真
實為什麼瞌睡時又不成昭昭靈靈若瞌睡
時不是為什麼有昭昭時汝還會麼這个喚
作認賊為子是生死根本妄想緣氣汝欲識
此根由麼我向汝道昭昭靈靈只因前塵色
声香等法而有分別便道此是昭昭靈靈若
無前塵汝此昭昭靈靈同於龜毛兔角仁者
真實在什麼處汝今欲得出他五蘊身田主
宰但識取汝秘密金剛體

○古人向汝道圓成正遍遍周沙界我今亦分
為汝智者可以譬喻得解汝見此南閻浮提
日麼世間人所作與營養身活命種種心行
作業莫非承它日光成立只如日體還有多
般及心行麼還有不周遍麼欲識此金剛
體亦如是

且如今山河大地十方國土色空明暗及汝
身心莫非盡承汝圓成威光所現直是天人
群生類所作業次受生果報有性無情莫非
承汝威光乃至諸佛成道成果接物利生莫
非承汝威光只如金剛體

還有凡夫諸佛麼有汝心行麼不可道無便

得當去也。知麼？汝既有如是奇特，當陽出身，
處何不發明，取便隨他，向五蘊身田中鬼趣，
裏作活計，直下自護，却去忽然無常殺境，到
來眼目，誇張身見命見，恁麼時，大難枝荷，如
生脫龜筒，相似大苦。

仁者莫把瞌睡見解，便當却去未解，蓋覆得
毛頭許，汝還知麼？

三界無安，猶如火宅。且汝未是得安樂底人，
只大作群隊，干他人世這邊那邊，飛走野鹿，
相似，但知求食為衣。若恁麼爭行他王道，知
麼？國王大臣不拘汝，父母放汝出家，十方施

主供汝衣食，土地龍神護汝也。須具慚愧知
恩，始得莫辜負人。好長連牀上，排行著地，銷
將去道是安樂，未在此皆是粥飯，將養得汝爛
冬瓜相似，變將去土裏埋，將去業識茫茫，無
本可據沙門，因什麼到恁麼地。

只如大地上，蠢蠢者我，喚作地獄，却住如今。
若不了明朝後日，看看變入駝胎馬肚裏，牽
犁洩把銜鐵負鞍，確搗磨磨水火裏，燒煮去
大不容易，受大恐懼，好是汝自累。知麼？若是
了去，直下永劫不曾教汝有這個消息。若不
了煩惱惡業，因緣未是一劫兩劫，得休直與

汝金剛齊壽知麼

○南際長老到雪峯雪峯令訪于師師問曰古
人道此事唯我能知長老作麼生南際曰須
知有不求知者歸宗柔別拊掌三下師曰山
頭和尚喫許多辛苦作麼

○雪峯因普請畚田見一蛇以杖挑起召眾曰
看看以刀芟為兩段師以杖拋於背後更不
顧視眾愕然雪峯曰後哉

○師一日隨侍雪峯遊山雪峯指一片地曰此
處造得一所無縫塔師曰高多少雪峯乃顧
視上下師曰人天依報即不如和尚若是靈

山受記大遠存

○雪峯曰世界濶一尺古鏡濶一尺世界濶一

丈古鏡濶一丈師指火炉曰火炉濶多少雪

峯曰如古鏡濶師曰老和尚脚跟未點地

○師初受請住梅谿場普應院中間遷止玄沙

山自是天下叢林海眾皆望風而賓之

○閩帥請演無上乘待以師事李佞餘八百室

戶不閉

○師上堂良久謂眾曰我為汝得撒困也會麼

僧問寂寂無言時如何師曰竊語作麼曰本

分事請師道師曰瞌睡作麼曰李人即瞌睡

和尚如何師曰爭得恁麼不識痛痒又曰可惜許大師僧于道万里行脚到這裏不消个瞌睡籙語便屈却去

○問如何是孝人自己師曰用自己作麼

○僧問後上宗門中事師此問如何言論師曰少人聽僧曰請和尚直道師曰患難作麼又曰仁者如今事不獲已教我抑下如是成光苦口相勸百子方便道如此如彼共汝相知聞盡成顛倒知見將此咽喉唇吻只成得个野狐精業謾汝我還肯麼只如有過無過唯我自知汝爭得會若是恁麼人出頭來甘伏

呵責

夫為人師匠大不容易須是善知識始得知我如今恁麼方便助汝猶尚不能觀得可中純孝宗乘是汝向什麼處安措還會麼四十九年是方便只如靈山會上有百万眾唯有迦葉一人親聞餘盡不聞汝道迦葉親聞底事作麼生不可道如來無說說迦葉不聞聞便得當去不可是汝修因成果福智莊嚴底事知麼

且如道吾有正法眼付囑大迦葉我道猶如話月曹谿豎拂子還如指月所以道大唐國

內宗乘中事未曾見有一人率唱盡大地人
失却性命如無孔鐵槌相似一時亡鋒結舌
去汝諸人賴遇我不惜身命共汝顛倒知見
隨汝任意方有申問處我若不共汝恁麼知
聞去汝向什麼處得見我會麼大難努力珍
重乃有偈曰

万里神光頂後相沒頂之時何處望

事亦成意亦休此个元來觸處周智者捺著
便提取莫待湏臾失却頭 又偈曰

玄沙遊徑別 時人切湏知 三冬陽氣盛

六月降霜時 有語非關舌 無言切要前

會我最後句 出世少人知

○問四威儀外如何奉王師曰汝是王法罪人
爭會問事

○問拈槌豎拂還當宗乘中事也無師曰不當
曰古人意作麼生師率拂子僧曰宗乘中事
如何師曰待汝悟始得

○問如何是金剛力士師乃吹之

○文桶頭下山師問桶頭下山幾時歸曰三五
日師曰歸時有無底桶子將一擔歸文無對
歸宗柔代云和尚用作什麼

○師有時垂語曰諸方老宿盡道接物利生且

問汝只如盲聾啞三種病人汝作麼生接若
拈槌豎拂他眼且不見共他說話他又不聞
口又啞若接不得佛法及無靈驗時有僧出
曰三種病人和尚還許人商量否師曰許汝
作麼生商量其僧珍重出師曰不是不是法
眼云我當時見羅漢和尚率此僧語我便會
三種病人靈居錫云只如此僧會不會若道
會玄沙又道不是若道不會法眼為什麼
我因此僧語便會三種病人上座无事上未
商量大家要知羅漢去桂琛見有眼耳和尚
作麼生接中塔去三種病人即今在什麼處

又一僧云非唯謾他兼亦自謾

○長慶稜耒師問除却樂忌作麼生道稜曰憨
作麼師曰雪峯山椽子拾食來這裏却雀兒
放糞

○師見僧來禮拜乃曰禮拜著因我得禮拜汝

○一日普請往海坑斫柴見一虎僧曰和尚虎

師曰是汝虎歸院後僧問適來見虎云是汝
未審尊意如何師曰娑婆世事有四重障若
人透得許汝出陰界東禪齊云上座古人見
了道我身心如大地虛空如今人還透得麼

○師問長生然和尚維那觀佛前際不來後際

不去今則無任汝作麼生觀對曰放皎然過
有商量師曰放汝過作麼生長生良父師曰
教阿誰委曰徒勞側耳師曰情知汝向山鬼
窟裏作活計崇壽稠別長生云與什麼作如
○僧問師孝人為什麼道不得師曰畱塞汝口
爭解道得法眼云古大德麼道甚奇特且問
上座口是什麼

○問凡有言句盡落捲襪不落捲襪請和尚商
量師曰拗折秤衡來向汝商量

○問古人瞬視接人和尚如何接人師曰我不
瞬視接人

○僧問是什麼得恁麼難見師曰只為太近法
眼云也無可得近直下是上座

○師在雪峯時光侍者謂師曰師叔若李得禪
△甲打鐵缸下海去師住後問曰光侍者打
得鐵船也未光無對法眼代云和尚終不恁
麼法燈代云請和尚下缸玄覓代去負人思
舊債

○師一日遣僧送書上雪峯和尚雪峯開緘唯
白紙三幅問僧會麼曰不會峯曰不見道君
子千里同風其僧迴峯似於師師曰這老和
尚蹉過也不知東禪奔去什麼處蹉過若的

蹉過師豈不知弟子意若不恁麼會只如玄沙意作麼生若會便參取玄沙

○師問鏡清教中道菩薩摩訶薩不見一法為大過失且道不見什麼法鏡清指露柱云莫是不見這個法麼同安顯別云也知和尚不造次師曰浙中清水白米從汝喫佛法未曾在玄竟云且道玄沙恁麼道意在什麼處不見僧問洞山云不見一法為大過失身意如何洞山云不見一法好言語上座一宿竟云不見一法即如來方得名為觀自在普賢菩薩又云不見一法為大過失是一個是兩個

試斷著

○僧問承和尚有言盡十方世界是一顆明珠孝人如何得會師曰盡十方世界是一顆明珠用會作麼

師來日却問其僧盡十方世界是一顆明珠汝作麼生會對曰盡十方世界是一顆明珠用會作麼師曰知汝向山鬼窟裏作活計玄竟云一般恁麼道為什麼却成山鬼窟去

○問如何是無縫塔師曰這一縫大小玄竟去叢林中道恁麼來何處得無縫還會得著麼○帝監軍來謁峯曹山和尚甚奇怪師乃問撫

州取曹山多少常指傍僧去上座曾到曹山
否曰曾到常曰撫州取曹山多少曰一百二
十常曰恁麼即上座不到曹山常却起禮拜
師師曰監軍却須禮此僧此僧却具慙愧雲
君錫云什麼處是此僧具慙愧若檢得此許
上座有行脚眼

○西天有聲明三藏到闍帥令与師相見師以
火筋敲銅炉問是什麼声三藏對曰銅鐵声
法眼別云請大師為大王法灯別云聽和尚
問師曰大王莫受外國人謾三藏無對法眼
代去大師又受大王供養法灯代去却是大

尚謾大王

○師南游莆田縣排日戲迎接來日師問小塘
長老昨日許多喧鬧向什麼處去也小塘提
起衲衣角師曰料掉勿交涉法眼別云昨日
有多少喧鬧法灯別云今日更好笑

○師問僧乾闥婆城汝作麼生會僧曰如夢如
知法眼別物示之

○師与地藏琰在方丈内說話夜深侍者閉却
門師曰門想閉了汝作麼生得出去琰曰喚
什麼作開法灯別云和尚莫欲歇去

○師一日以杖拄地問長生曰僧見俗見男見

女見汝作麼生見長生曰和尚還見皎然見
麴麼師曰相識滿天下

○問承和尚有言聞性徧周法界雲峯打鼓這
裏為什麼不聞師曰誰知不聞

○問險惡道中以何為津梁師曰以汝眼為津
梁曰未得者如何師曰快救取

○師與常監軍喫果子常問如何是日用而不
知師拈起果子曰喫常喫果子了再問之師
曰只守是日用而不知

○普請般柴師曰汝請人盡承吾力一僧曰既
承師曰何用普請師叱之曰不普請爭得柴

○師問明真大師善則參弥勒弥勒指歸文殊
文殊指歸佛麴汝道佛指歸什麼麴對曰不
知師曰情知汝不知法眼別云喫什麼作佛
○大普玄通到礼觀師謂曰汝在彼住莫誑惑
人家男女對曰玄通只是開个供養門晚來
朝去爭敢作恁麼事師曰事難曰其情是難
師曰什麼麴是難麴曰為伊不肯承當師便
入方丈拄却門

○問孝人乍入叢林乞師拍个入路師曰還聞
堰溪水声否曰聞師曰是汝入麴

○泉守王公請師登樓先語客司曰待我引大

師至樓前便昇却梯客司稟旨公曰請大師
登樓師視樓復視其人乃曰佛法不是此道
理法眼云未昇梯時一日幾度登樓

○師與泉守在室中說話有一沙彌揭簾入見
却退步而出師曰那沙彌好與二十拄杖曰
恁麼即么甲罪過同安顯別云祖師來也師
曰佛法不恁麼鏡清云不為打水打水有僧
問不為打水意作麼生鏡清云青山碾為塵
敢保勿關人東禪齊云只如玄沙意作麼生
或云直饒恁麼去也好與拄杖或云事在當
機或云拈破會處也三說還會玄沙意也無

○師應機接物僅三十祀致清原石頭之清流
迨今不絕轉導來際所演法要有大小錄行
于世自餘語句各隨門弟子章及諸方徵率
出焉梁開平二年戊辰十一月二十七日示
疾而終壽七十有四臘四十有四閩師為之
樹塔

福州長慶慧稜禪師

杭州鹽官人也姓孫氏幼歲稟性淳淡年十
三於蘇州通玄寺出家登戒歷叅禪肆

唐乾符五年入閩中謁西院訪靈雲尚有疑
滯後之雪峯疑情水釋

因問從上諸聖傳受一路請垂指示峯默然
師設札而退峯莞尔而笑

○異日雪峯謂師曰我尋常向師僧道南山有
一條鼈鼻蛇汝諸人切須好看師曰今日堂
中大有人喪身失命峯然之

○師入方丈參雪峯曰是什麼師曰今日天晴
好普請自此酌問未嘗爽於玄旨乃述悟解
頌曰

萬象之中獨露身 唯人自肯乃方親
昔時謬向途中覓 今日看如火裏冰

○師在西院問訊上座曰這裏有象骨山汝曾

到麼曰不曾到師曰為什麼不到曰自有本
分事師曰作麼生是上座本分事許乃提起
衲衣角師曰為當只這个別更有曰和尚見
什麼師曰何得龍頭蛇尾

○師在宣州保福後辭歸雪峯保福問師曰山
頭和尚

○或問上座信作麼生祇對師曰不避腥羶亦
有少許曰信道什麼師曰教我分付阿誰曰
從展雖有此語未必有恁麼事師曰若然者
前程全自醫梨

○師与保福遊山保福問古人道妙峯山頂莫

即這个便是也無師曰是即是可惜許僧闍
鼓山只如稜和尚恁麼道意作麼生鼓山云
孫公若無此語可謂觸髅徧野白骨連山

○師來往雪峯二十九載至天祐三年受泉州
刺史王延彬請住招慶初開堂曰公朝服趨
隅曰請師說法師曰還聞麼公設拜師曰雖
然如此憲恐有人不肯於是敷揚祖意隨機
與奪故羣旅憧憧日資道化

後闍師請居長樂府之西院奏額曰長慶居
超竟大師上堂良久謂衆曰還有人相恚麼
若不相恚欺謾兄弟去只今有什麼事莫有

窠裏也無復是誰家屋裏事不肯當荷更待
何時若是利根參孝不到這裏來還會麼如
今有一般行脚人耳裏揔滿也假饒收拾得
底還當諸人行脚事麼

○時有僧問行脚事如何孝師云但就人索取

○又問如何是獨脫一路師云何煩更問

○又問名言妙義教有所詮不涉三科請師直
道師云珍重師乃謂衆曰明明歌詠汝尚不
會忽被暗來底事汝作麼生

○又僧問如何是暗來底事師云喫茶去中塔
云便請和尚相伴

○問如何是不隔毫端底事師云當不當

○問如何得不疑不惑去師乃展兩手僧不進語師云汝更問我与汝道僧再問之師露膊而坐僧禮拜師曰汝作麼生會僧曰今日風起師曰恁麼道未定人見解汝於古今中有什麼節要齊得長慶若幸得許汝作話主其僧但立而已師却問汝是什麼人曰向北人師曰南北三千里外幸妾語作麼僧無對

○師上堂良久曰莫道今夜較此子便下座

○問如何是合聖之言師曰大小長慶被汝一問口似盪擔僧曰何故如此師曰適來問什麼

○師謂衆曰我若純奉唱宗乘須閉却法堂門所以及法無民時有僧曰不怕無民請師及法師曰還委落處麼

○問如何是西來意師曰看嚴道底一時坐却

○師有時示衆曰恁似今夜老狐有望保福隣之乃曰恁似今夜老狐絕望玄奘云恁麼道是相見語不是相見語東禪齊云此二尊宿

語一般各有道理衆中道恁似如此嫌什麼又道恁似今夜堪作什麼若如此會欠悟在

○安國瑄和尚新得師號師去賀瑄出接師問

曰師號來耶曰來也師曰是什麼號曰明真師乃展手瑠曰是什麼處去來師曰幾不問過僧無對

○師問僧什麼處來曰鼓山來師曰鼓山有跨石門底向有人借問汝作麼生道曰昨夜報慈宿師曰拍春棒汝又作麼生曰和尚若行此棒不虛受人天供養師曰幾放過

○問古人有言相逢不擊出拳意便知有時如何師曰知有也未僧將前語問保福福云此是誰語僧云丹霞語福云去莫妨我打睡

○師入僧堂拳起疏頭曰見即不見還見麻象

無對

法眼代云縱受得到別處亦不敢呈人

○師到羅山見新製龕子師以杖敲之曰大眼預備羅山曰拙布置師曰還肯入也無羅山曰叫

○師上堂大眾集定師乃拽出一僧曰大眾禮拜此僧又曰此僧有什麼長處便教大眾禮拜眾無對

○問如何是文彩未生時事師曰汝先拳我後拳其僧但立而已法眼別云請和尚拳師曰汝作麼生拳僧曰某甲截舌有分

○保福迂化人問師保福拋却殼漏子向什麼

她去也師曰且道保福在那個殼漏子裏法
眼別云那個是保福殼漏子

○閩帥夫人崔氏奉道自稱練師遣使送物至
云練師令就大師請取回信師曰傳語練師
領取回信須臾使却來師前唱諾便回師明
日入府練師曰昨日謝大師回信師曰却請
昨日回信看練師展兩手閩帥問師曰練師
適來呈信還慳大師意否師曰猶較些子法
眼別云這一轉語大王自道取曰未審大師
意旨如何師良久師曰不可思議大師佛法
深遠

○高麗有僧造一觀音像於明州上船衆力昇
不起因請入開元寺供養問師無刹不現身
為什麼不肯去高麗師曰現身雖普觀相生
偏法眼別云汝識得觀音未

○有人問僧點什麼燈曰長明燈曰什麼時點
曰去年點曰長明何在僧無語師代曰若不
如此爭知公不受人謾法眼別云利動君子
○師兩處開法徒衆一千五百化行閩越二十
七載後唐長興三年壬辰五月十七日歸寂
壽七十有九臘六十王氏建塔

福州大普山玄通禪師

福州福唐人也受業於兜率山師事靈峯經
數稔受心法止于大普焉

○僧問驪龍領下珠如何取得師乃拊掌瞬視

○問方便已前事如何師托出其僧

○問如何是祖師西來意師曰咬骨頭漢出去

○問撥塵見佛時如何師曰脫枷來商量

○問急急相投請師接師曰鈍漢

杭州龍冊寺順德大師

道愆永嘉人也姓陳氏十歲不食葷茹親黨

強啖以枯魚即噉噉上烏沒切下乙劣切遂

求出家于本州開元寺受具遊方抵閩川謁

靈峯峯問什麼處人曰温州人峯曰怎麼即

與一宿覺是鄉人也曰只如一宿覺是什麼

處人峯曰好喫一頓棒且放過

○一日師問只如古德豈不是以心傳心峯曰

兼不立文字語句曰只如不立文字語句師

如何傳峯良久師禮謝峯曰更問我一轉豈

不好曰就和和尚請一轉問頭峯曰只怎麼為

別有商量曰和尚怎麼即得峯曰於汝作麼

生曰辜負殺人

○靈峯有時謂眾曰堂堂密密地師出問曰是

什麼堂堂密密地峯起立曰道什麼師退步

而立峯垂語曰此事得恁麼尊貴得恁麼綿密對曰道恁自到來數年不聞和尚恁麼示誨峯曰我向前雖無如今已有莫有所妨麼曰不敢此是和尚不已而已峯曰致使我如此師從此信入而且隨衆閩中謂之小恁布衲因普請與雪峯峯瀉山見色便見心語問師還有過也無曰古人爲什麼事峯曰雖然如此要共汝商量曰恁麼即不知道恁鋤地去了

○一日雪峯問師何處來曰從外來峯曰什麼處逢見達磨曰更什麼處峯曰未信汝在曰和尚莫恁麼粘膩好雪峯肯之

○師後遍歷諸方益資權智因訪曹山寂和尚問什麼處來曰昨日離明水寂曰什麼時到明水曰和尚到時到寂曰汝道我什麼時到曰適來猶記得寂曰如是如是

○師罷叅受請止越州鏡清禪苑唱雪峯之旨李者奔湊副使皮光業者日休之子也詞李宏贍屢擊難之退謂人曰恁師之高論人莫窺其極也

○新到僧參師拈起拂子僧曰父鄉鏡清猶有這個在師曰今日遇人不遇人

○問如何是靈源一直道師曰鏡湖水可殺深
○問僧什麼處來曰應天來師曰還見鰻鰻魚
鰻曰不見師曰聞梨不見鰻鰻鰻不見聞
梨曰恁不恁麼師曰聞梨只解慎初護末
○問孝人未達其源請師方便師曰是什麼源
僧曰其源師曰若是其源爭受方便僧禮拜
退後侍者問曰和尚適來莫是成他問否師
曰無曰莫是不成他問否師曰無曰未審畢
竟意作麼生師曰一點水墨兩處成龍
○師在帳中坐有僧問訊師撥帳開曰當斷不
斷反托其亂僧曰既是當斷爲什麼不斷師

曰我若尽法只恐無民曰不怕無民請師及
法師曰維那拽出此僧著又曰休休我在南
方識伊和尚來

○普請鋤草次浴頭請師浴師不顧如是三請
師幸鑿作打勢浴頭乃走師召曰來來浴頭
回首師曰向後遇作家分明幸似其僧後至
保福幸前語未了保福以手掩其僧口僧却
回幸似師師曰饒汝恁麼未是作家

○師問荷玉什麼處來曰天台來師曰我豈是
問汝天台曰和尚何得龍頭蛇尾師曰鏡清
今日失利

○師看經僧問師看什麼經師曰我為古人闡
百草師却問汝會麼曰小年也曾恁麼來師
曰如今作麼生僧奉拳師曰我輸汝也

○僧到參師問闍梨從什麼處來曰佛國來師
曰佛以何為國曰清淨莊嚴為國師曰國以
何為佛曰妙淨真常為佛師曰闍梨從妙淨
來莊嚴未曰無不答對師曰噓噓別處有人
問汝不可作這個語話

○錢王欲廣府中禪會命居天龍寺始見師乃
曰真道人也致禮勤厚由是吳越盛於玄季
其後又創龍冊寺延請居焉

○師上堂曰如今事不得已向汝道若自驗着
實个親切到汝分上因何特地生疎只為拋
家日久流浪手深一向緣壁致見如此所以
喚作背覓合塵亦名捨父逃逝今勸兄弟未
歇歇去好未徹徹去好大丈夫兒得恁麼無
氣槩還惆悵麼終日茫茫地何不且覓取个
管帶路好也無人問我管帶一路時有僧問
如何是管帶一路師曰噓噓要棒即道曰恁
麼即等入罪過也師曰幾被汝打破蔡州
○問無源有路不歸時如何師曰這個師僧得
坐便坐

○問如何是心師曰是即二頭曰不是如何師曰又不成是頭曰是不是摠不恁麼時如何師曰更多饒過

○問十二時中以何為驗師曰得力即向我道僧曰諾師曰十方八千猶可近

○問如何是方便門速易成就師曰速易成就曰爭奈孝人領覽來的師曰代得也代得

○問如何是玄中玄師曰不是是什麼白還得當也無師曰木頭也解語

○問如何是人無心合道師曰何不問道無心合人曰如何是道無心合人師曰

自雲字可來青嶂明月那教下碧天

○問孝人問不到處請師不答和尚答不到處孝人即不問師乃搗住曰是我道理是汝道理曰和尚若打孝人孝人也即却打也師曰得對相耕去

○僧奉有僧辭歸宗宗問什麼處去曰百丈孝五味禪去歸宗不語師乃曰緣歸宗是單行底事僧問如何是單行底事師曰棒了趁出院僧禮拜師曰作麼生會曰孝人罪過師曰料汝恁麼去

○問承師有言諸方若不是走人便是籠人罩

人未審和尚如何師曰被汝致此一問直得當門齒落

○問如何是親的密密底事師曰常用及人曰不知者如何師曰好晴好雨

○師問僧門外什麼声曰兩滴声師曰衆生顛倒迷已逐物法眼別云畫出

○僧問如何是同相師將火筭插向炉中

僧又問如何是別相師又將火筭插向一邊法眼別云問不當理

○有僧引童子到曰此兒常愛問僧佛法請和尚驗看師乃令點茶童子點茶未師啜訖過

盞托與童子童子近前接師却縮手曰還道得麼童子曰問將未法眼別云和尚更與茶

否僧問和尚此兒子見解如何師曰也只是

一兩生持戒僧

○師三處開法語要隨門人編錄今但梗槩而已

○晋天福二年丁酉八月示滅壽七十四黑白袈號制服者衆茶毗於大慈山獲舍利就龍母山之陽建塔

福州長生山皎然禪師

本郡人入雪峯室密受心印執侍經十載因

與僧斫樹峯曰斫到心且住師曰斫却著峯曰古人以心傳心汝為什麼道斫却師擲下斧子曰傳峯打一拄杖而去

○僧問雪峯如何是第一句峯良久僧退峯似於師師曰此是第二句峯再令其僧來問如何是第一句師曰蒼天蒼天

○雪峯普請般柴問師曰古人道誰知席帽下元是昔愁人古人意作麼生師側戴笠子曰這個是什麼人語

○雪峯問師持經者能荷擔如來作麼生是荷擔如來師乃捧峯向禪床上著

雪峯普請歸自將一束藤路逢一僧放下藤义手立其僧近前拈峯即踏其僧峯歸院後峯示於師曰我今日踏却那僧得恁麼快師對曰和尚却替那僧入涅槃堂法眼住崇壽時有二僧各談道理請師斷法眼云汝兩僧一時入涅槃堂玄奘云什麼處是替那僧入涅槃堂處崇壽綯云此一轉語却還老兄東禪齊云只如長生意作麼生

○師嘗訪一庵主款話庵主曰近有一僧問某甲西來意遂峯拂子示之不知還得也無師曰爭敢道得與不得

○有人問庵主此事有人保任如虎頭帶角有人嫌棄則不直一錢此事為什麼毀譽不同試請揀出看曰適来出自偶然爭揀得出師曰恁麼此後不得為人玄菴云一等是恁麼事為什麼有得有失上座若無智眼難下得失

○雪峯問師光境俱亡復是何物師曰放皎然過敢有商量峯曰許汝過作麼生商量曰皎然亦放和尚過峯深許之尋受記止于長生山分化焉

○僧問從上宗乘如何峯唱師曰不可為闍梨

荒却長生山也

○問古人有言無明即佛性煩惱不須除如何是無明即佛性師忿然作色峯拳呵曰今日打這師僧去也僧曰如何是煩惱不須除師以手擎頭曰這師僧得恁麼發人業

○問路逢達道人不將語默對未審將什麼對師曰上紙墨堪作什麼

○闍師署禪主大師莫知所終

信州鵝湖智子禪師

福州人也始依講肆肄業於長安因思玄極之理乃造雪峯師事數年既領心訣隨緣而

止鵝湖大張法席

○僧問萬法歸一一歸何所師曰非但闍梨一人忙

○問虛空講經以何為宗師曰闍梨不是聽眾出去

○問五逆之子還受父約也無師曰雖有自裁未免傷已

○問如何是佛向上人師曰情知闍梨不柰何曰為什麼不柰何師曰未必小兒得見君子○有人報云徑山和尚迂化也僧問徑山迂化向什麼處去師曰大有靈利底過於闍梨

○問在先一句請師道師曰脚跟下採取什麼曰即今見問師曰看闍梨變身不得

○問雲峯拋下拄杖意作麼生師以香匙拋下地僧曰未審此意如何師曰不是好種出去○問如何是鵝湖第一句師曰道什麼曰如何即是師曰妨我打睡

○問不問不答時如何師曰問人焉知○問迷子不歸家時如何師曰不在途曰歸後如何師曰正迷

○問如何是源頭事師曰途中覓什麼○問如何是一句師曰會麼曰恁麼莫便是否

師曰蒼天蒼天

○鏡清問如何是即今底師曰何更即今清曰
幾就支荷師曰語逆言順

漳州報恩院懷岳禪師

泉州人也少依本州聖壽院受業罷參雪峯
止龍谿玄侶奔湊

○僧問十二時中如何行履師曰動即死曰不
動時如何師曰猶是守古塚鬼

○問如何奪人出身處師曰有什麼物纏縛瞿
梨曰爭奈出身不得何師曰過在阿誰

○問如何是報恩一塵物師曰喫如許酒糟作

麼曰還露脚手也無師曰這裏是什麼處所

○僧問牛頭未見四祖時如何師曰万里一片
雲曰見後如何師曰廓落地

○僧問如何是佛法大意師曰三更失却火

○問黑雲斗暗誰當兩者師曰峻處先傾

○問宗乘不却如何率唱師曰山不稱水無
間斷

○問佛未出世時如何師曰汝爭得知

○問撥塵見佛時如何師曰什麼年中得見來

○問師子在窟時如何師曰師子在什麼處

○問如何是日前佛師曰快禮拜

○師臨迂化上堂示衆曰山僧十二年来幸提
宗教諸人怪我什麼處若要聽三經五論此
去開元寺咫尺言訖告寂

杭州西興化度悟真大師

師郁泉州人也自得雪峯心印化緣盛于杭
越之間後居西吳鎮之化度院法席大具

○僧問如何是西來意師率拂子僧曰孝人不
會師曰喫茶去

○問如何是無縫塔師曰五尺六尺

○問如何是一塵師曰九世刹那分曰如何含
得法界師曰法界在什麼處

○問谿谷各異師何明一師曰汝端作麼

○問孝人初機乞和尚指示入路師曰汝怪化
度什麼處

○問如何是隨色摩尼珠師曰青黃赤白曰如
何是不隨色摩尼珠師曰青黃赤白

○問如何是西來意師曰是東來西來

○問牛頭未見四相時如何師曰鳥獸俱迷曰
見後如何師曰山深水冷

○問維摩与文殊對談何事師曰

唯有門前鏡湖水清風不改舊時波

○師自是声聞于遐迩錢王欽其道德奏紫衣

師號

福州鼓山吳聖國師

神晏大梁人也姓李氏幼惡葷羶樂聞鐘梵
年十二時有白氣數道騰于所居屋壁師即
揮毫書其壁曰

白道從茲速改張休來顯現作妖祥定祛邪
行歸真見必得超凡入聖鄉

題罷氣即隨滅季甫志李違疾甚亟夢神人
与藥竟而頓愈明年又夢禿僧告曰出家時
至矣遂依衛州白鹿山道規禪師披削嵩岳
受具謂同學曰古德云四羯磨後全体戒定

慧豈非繩而可拘也於是杖錫遍扣禪關而
但記語言存乎知解及造雪嶺朗然符契

一日參雪峯雪峯知其緣熟忽起搦住曰是
什麼師釋然了悟亦忘其了心唯率乎搖曳
而已峯曰子作道理耶師曰何道理之有峯
審其懸解撫而印之督峯歸寂闈師於府城
之左二十里開鼓山創禪宮請揚宗致

師上堂聚集良久曰南泉在日亦有人率要
且不識南泉即今還有識南泉者麼試出來
對眾驗看

時有僧出禮拜總起師曰作麼生僧近前曰

咨和尚師曰不才請退又曰經有經師論有
論師律有律師有函有號有部有表各有人
傳持且佛法是建立教禪道乃止啼之說他
諸聖具來蓋為人心不等巧開方便遂有多
門受疾不同麴方還異在有破有居空叱空
二患既除中道須遣鼓山所以道句不當機
言非展事承言者喪滯句者迷不唱言前寧
談句後直至釋迦掩室淨名杜口大士梁時
童子當日一問二問三問盡有人了也諸仁
者作麼生

時有僧禮拜師曰高聲僧問曰孝人咨和尚
師乃喝出

問己事未明以何為驗師抗音似未聞其僧
再問師曰一點隨流食或不重

○問如何是包尽乾坤底句師曰近前僧近前
師曰鈍置殺人

○問如何紹得師曰狂狃無風徒勞展掌曰如
何即是師曰錯

○問孝人便承當時如何師曰汝作麼生承當
法灯別云莫費力

○問如何是孝人正立處師曰不從諸聖行法
灯別云汝擬亂走

○問千山万山阿那个是正山師曰用正山作
麼法灯云千山万山

○師與招慶相遇招慶曰家常師曰無厭生招
慶曰且款款師却云家常招慶曰今日未有
火師曰太鄙吝生招慶曰穩便將取去東禪
齊拈云生二尊宿語還有得失也无若有阿
那个得阿那个失若无得失諸人未具行脚
眼在

○問如何免得輪迴生死師曰把將生死來

○問如何是宗門中事師側掌曰咩咩

○問如何是向上一關接子師乃打之

○問如何是鼓山正主師曰瞎作麼

○師問保福古人道非不非是不是意作麼生
保福拈起茶觥師曰莫是非好

○問如何是真实人体師曰即今是什麼体曰
究竟如何師曰爭得到恁麼地

○問如何是佛法大意師曰
金烏一點万里無雲

○師問僧鼓山有不跨石門句汝作麼生道僧
曰請師乃打之

○問如何是古人省心力處師曰汝何費力

○問言遍天下無口過如何是無口過師曰有

什麼過

○問如何是省要處師曰還自取麼

○師與閩帥瞻仰佛像閩帥問是什麼佛曰請

大王鑒曰鑿即不是佛曰是什麼師無對長

度代云久承大師在衆何得造次

○問從上宗乘如何奉唱師以拂子驀口打

○問如何是教外別傳底事師曰喫茶去又曰

今為諸仁者剃頭入他諸聖化門裏斗數不

出所以向仁者道教排不到祖不西來三世

諸佛不能唱十二分教載不起凡聖攝不得

古今傳不得忽尔是个漢未通个消息向他

恁麼道被他驀口擲還怪得他麼雖然如此

也不得亂拈鼓山尋常道更有一人不跨石

門須有不跨石門向作麼生是不跨石門向

鼓山自住三十餘年五湖四海來者向高山

頂上看山翫水未得一人快利通得如今還

有人通得也不昧兄弟珍重乃有偈示衆曰

直下尤難會 尋言轉更賒

若論佛與祖 特地隔天涯

閩帥禮重常詢法要焉

漳州隆壽興法大師

紹卿泉州人也姓陳氏幼於靈岩寺習經論

講業既就而深慕禪那乃問法于雪峯之室
服勤數載後緣開悟因侍經行見芋葉動雪
峯指動葉視之師對曰紹卿甚生怕怖雪峯
曰是汝屋裏底怕怖什麼師於是洗然省悟
頓息他遊尋受請居龍谿焉

○僧問古人道摩尼殿有四角一角當露如何
是常露底角師拈拂子

○問齋糧不畜一粒如何濟得万人飢師曰俠
客面前如奪劍看君不是點思郎

○問大拍盲底人來師還接否師曰前後大應
得此便也曰莫便是接否師曰這漢來這裏

拍蒲

○問耳目不到處如何師曰汝無此作曰恁麼
即聞也師曰真个聾漢

○漳守王公欽尚祖風為奏紫衣師名

福州僊宗院仁慧大師

行瑫泉州人也姓王氏本州開元受業預雪
峯禪會聲聞四遠闍師請轉法輪玄徒奔至
上堂曰我与釋迦同叅汝道問什麼人

○時一僧入禮拜擬伸問師曰錯

○問如何是西來意師曰熊耳不曾藏

○問直下事乞師方便師曰不因汝問我亦不

道又問如何是西來意師曰白日無閑人
福州蓮花山永福院超證大師
從弇先住漳州報恩院

○僧問儒門以五常為極則未審宗門以何為
極則師良久僧曰恁麼即孝人造次也師曰
好與拄杖

○問教云唯有一乘法如何是一乘法師曰汝
道我這裏作什麼曰恁麼即不知教意也師
曰雖然如此却不辜負汝
○問不向問處領猶是孝人問處和尚如何師
曰喫茶去

○長慶常云及法無民師曰永福即不然若不
及法又爭得民時有僧曰請師及法師曰我
不要汝納稅

○問諸餘即不問聊徑處乞師垂慈師曰不快
礼三拜

○師上堂曰咄咄看箭過便歸方丈

○問請師及令師曰莫埋沒

○問大衆雲集請師說法師曰聞麼曰若更行
思應難得及師曰實即得

○問摩尼殿有四角一角常露如何是常露底
角師曰不可更點

○師上堂於坐邊立謂眾曰二尊不並化便歸
方丈

杭州龍華寺真菴大師

靈照高麗人也萍遊閩越并雪峯之堂真菴
女首居唯一衲服勤眾中閩中謂之照布衲
○一夕指半月問溥上座那一片什麼處去也
溥曰莫妄想師曰失却一片也眾雖歎美而
恬淡自持

○初止婺州齊雲山上堂良久忽舒手視其眾
曰乞取此子乞取此子又曰一人傳虛多人
傳實

僧問草童能歌舞未審今時還有無師下座
作舞曰沙弥會麼僧曰不會師曰山僧蹋曲
子也不會

○問雲山會上法法相傳未審齊雲將何付囑
師曰不可為汝一人荒却齊雲也曰莫便是
親付囑也無師曰莫令大眾笑

○問還丹一粒點鐵成金至理一言點凡成聖
請師一點師曰還知齊雲點金成鐵麼曰點
金成鐵未之前聞至理一言敢希垂示師曰
句下不薦後悔難追

○師次居越州鏡清院海眾悅隨一日謂眾曰

盡令去也僧曰請師令師曰吽吽

○問如何是孝人本分事師曰鏡清不惜口

○問請師雕琢師曰八成曰為什麼不十成師

曰還知鏡清生修理麼

○師問僧什麼處來曰五峯來師曰還作什麼

曰禮拜和尚師曰何不自禮曰禮了也師曰

鏡湖水淺

○問如何是第一句師曰莫錯下名言曰師豈

無方便師曰烏頭養雀兒

○問向上一路千聖不傳未審什麼人傳得師

曰千聖也疑我曰莫便是傳也無師曰晉帝

斬嵇康

○問釋迦掩室於摩竭淨名社口於毗耶志

如何師曰東廊下兩兩三三師謂眾曰諸方

以毘盧法身為極則鏡清這裏即不然須知

毘盧有師法身有主

問如何是毘盧師法身師曰二公爭敢論

○問古人道見色便見心此即是色那個是心

師曰恁麼問莫欺山僧麼

○問未到已前請師斷師曰落在什麼處曰恁

麼即失口也師曰寒山送瀉山又曰住住闍

梨失口山僧失口曰惡虎不食子師曰馱頭

出馬頭迴

○師嘗問一僧記得麼曰記得師曰道什麼師曰淮南小兒入寺

○問是什麼即俊鷹後鷄趁不及師曰閻梨別

問山僧別答曰請師別答師曰

十里行人較一程

○問金屑雖貴眼裏着不得時如何師曰着不得還着得麼僧禮拜師曰深沙神

○問菩提樹下度衆生如何是菩提樹師曰大似苦練樹曰為什麼似苦練樹師曰素非良馬何勞鞭影

○後湖守錢公卜杭之西關創報慈院迂請開

法禪衆翕然依附尋而錢王建龍華寺迎金

華傳大士靈骨道具真焉命師住持

○晉天福十年丁未閏七月二十六日終於本寺壽七十八塔于大慈山

明州翠岩永明大師

今叅湖州人也自雪峯受記止于翠岩大張法席

○問不借三寸請師道師曰茶堂裏斲剥去

○問國師三喚侍者意旨如何師曰

抑逼人作麼

問諸餘即不問師默之僧曰如何幸似於人
師喚侍者點茶來

○師上堂曰今夏與諸兄弟語論看翠岩眉毛
還在麼長慶道峯云生也

○問凡有言句尽是點汗如何是向上事師曰
凡有言句尽是點汗

○問如何是省要處師曰大眾笑汝

○問坦然不滯鋒鏗時如何師曰大有人作此
見解曰畢竟如何師曰坦然不滯鋒鏗

○問古人拈槌豎拂意旨如何師曰邪法難扶
○問僧繇為什麼寫經認公真不得師曰作麼生

合殺

○問險惡道中以何為津梁師曰

藥山再三叮囑

○問不帶凡聖當機何示師曰莫向人道翠岩
靈利

○問妙機言句及皆不當宗乘中事如何師曰
禮拜著曰奈人不會師曰出家行脚禮拜也
不會

○錢王向師道風請居龍冊寺終焉

萬僧問答長德傳燈全錄卷之十八



